

zakilixut

© Olariagak



Gorane Agirre | BILBO

ATZEKOZ AURRERA



Antzerkiaren mugimendu birtuala

La Furakoak buru-belarri aritu ziren atzo Bilbon 'OBS' ikuskizuna muntatzen, gaur eskainiko baitute



JOSU ETXEBARRIOSTE

La Fura dels Baus taldeko bi teknikari, agertokia jartzen atzo Bilbon.

Iaz OBS ikuskizuna abian jarri zutenetik, La Fura dels Baus antzerki talde kataluniarra atsedetik gabeko bira batean murgilduta dago; Espainia, Italia, Mexiko, Argentina, Alemania eta Danimarkan izan ostean, Bilbon izango dira gaur eta bihar gauean.

Hori dela eta, La Furako kideak buru-belarri aritu ziren atzo, egun osoan, Bilboko Nazioarteko Erakustazokako zarpigarren pabilioian, bere azken lanerako agertoki bitxia muntatzen. Gaur, ostera, entseatzatzen igaroko dute eguna; izan ere, taldeko ohiko 16 kideez gain, gaur debutatuko duten bertako beste 12 lagunek ere lan tekniko eta artistikoa egingo dute.

Kataluniako talde kritiko,

polemiko eta probokatzaileraren zarpigarren lanak badu zer-bait berezia: irudi birtualak eta benetakoak tartekatzen dituen antzezlan interaktiboa da. Eta gisa horretako obra bat plaza-ratzeko, agertoki mugikorra prestatu dute. Agertoki berezi hori muntatzeko lanetan aurkitu genuen atzo Miquel Blanco La Furako kidea. Hark azaldu zigunez, «antzezlan hau erabateko mugimendu birtuala da, dena jarri dugu mugimenduan: soinu, argiak, eszenografia, antzezleak, ikusleak...».

Ikuslea desorientatu nahian


Teknikoki berritzailea da obra, eta La Furak ikusle eta antzezle-entzako espazio fisiko bakarra erabiltzen du. Blancoren hitzetan, «ikusle espazio berezi ba-

tean egotea nahi dugu; bertan gauza bereziak gertatzen dira, eta ikusleak sentitu eta bizi egin behar ditu. Baina, era berean, desorientatu egin nahi dugu, antzezlan bukatu eta argiak pizten direnean non dagoen jakin ez dezan».

Gizakiaren obsesioen inguruan hausnarketa kaotikoa egiten du Kataluniako taldeak OBS-n, eta, horretarako, bi elementu batzen ditu: batetik, ikusleei krudelkeria agertzen dien inguru jakin bat, eta, bestetik, Internet bidez eskainiko dituzten hiru dimentsioko irudiak. Horregatik, antzezlan behar bezala ikusteko, betaurreko bereziak jantzi beharko dituzte ikusleek; bestela, are gehiago desorientatuko dira eta.



MUEBLES
LA CHIMENEA



AUKERAKO ALTZARIAK

1.000 metroko erakusketa, prezio harrigarriekin. Aukera zabala tekazko, haritzeko, intxaurrendozko altzari trinkoetan. Markarik garrantzitsuenetako koltxoak eta somierrak **%50ean**.

Ehunka altzari urratu txikiekin eta baita haiek gabe ere **%50ean**. Izugarritzko beherapenak larruzko tresilloetan.

LA CHIMENEA ALTZARIAK

Osinalde Industrialdea-USURBIL - Tel.: 943 370966